

诗咏晋中第七篇----榆社云竹湖



头条 @晋韵诗社原创诗词

诗部



过云竹湖

张春义

晨光横树杪，岚气出湖滨。

山叠云成簇，草苏青未均。

腾霄窥白鹄，映日跃纤鳞。

更有桃源客，烟波垂钓纶。

游居云竹

任兆瑞

襟契同行云竹游，秀姿湖景胜杭州。

朝晖紫气映山麓，夕影岚烟隐画楼。

坐岸醉看青嶂叠，泛舟酣咏碧波幽。

休闲垂钓居农舍，数日怡情意未收。

过云竹湖

张瑞菊

太行山上嵌珍珠，好个芳名云竹湖。

丝柳梳妆云影照，兰舟远岸竹蒿扶。

超尘画境生怜意，极目青峰卫水都。

三月人间春渐老，垂纶独坐一偏隅。

题云竹湖天鹅

李爱莲

青山寓目水相融，岸柳殷勤接暖风。

天外仪禽来顾我，轻裳如雪恰玲珑。

过云竹湖

李国杰

葭苇苍苍岸柳宜，天开镜鉴泛涟漪。

双飞翠鸟凌晨早，独钓闲翁向夕迟。

湖上兰舟摇逸客，荷间锦鲤戏灵池。

一篙划过桃源界，看是蓬瀛读是诗。

过云竹湖

来锦茜

日暖风和二月天，周遭物景被岚烟。

梨花初发冰绡洁，葛草新生碧毯鲜。

逐浪红鳞随浩渺，凌空白鹭任翩跹。

湖滨三五垂纶客，自守横竿似坐禅。

过云竹湖

张德志

深春凝淑气，静泊澹清纹。

隔岸梨花发，凌空剪燕勤。

凭舟风卷衽，驰目水涵云。

耽溺烟波里，愁怀得濯薰。



再题云竹湖

墨尘

浪花无际藕花稠，万顷澄波望可收。

正值镜光摇碎玉，遥闻客笑过飞舟。

岸边多少休闲钓，水上纷繁取乐游。

惠泽间阎千百福，层峦戴翠下群鸥。



词部



永遇乐·春游云竹湖

田培杰

碧水无垠，人间仙境，绿烟沙岸。

眺望凭栏，淡妆浓抹，渡口春风软。

云湖鱼跃，波光空翠，天赐明珠璀璨。

风光好，诗情涌动，浪花荡漾开眼。

采风骚客，留恋胜景，触目此情无限。

翠柳飞禽，清波游艇，舟影斜阳缓。

著人滋味，谁能不羨？风物抒情如卷。

欣然醉，依依夕照，渔樵唱晚。



【中吕·十二月带尧民歌】云竹湖寄语

梁耿

天蓝蓝高原翠湖，光亮亮腹地明珠。

野茫茫金山漫乳，草青青岸畔宏图。

朴腾腾林中野兔，乐悠悠舟上渔夫。

【带】不惊呼怎地不惊呼，想鲈鱼忽地见鲈鱼。

绿芦郁郁盖黄芦，肤舒爽爽变心舒。

西湖，何如此处纾？夏威夷太远云湖住！

【仙吕·四季花】远眺云竹湖

岳贵春

谁镶玉镜太行巅？照彻九重天。

轻舟宛若横空燕，来往彩云间。

日西偏，渔歌隐隐醉漪涟。

【正宫·双鸳鸯】云竹湖泛舟

杨冬亮

水悠悠，梦悠悠。一叶轻舟水上游。

一抹夕阳湖色秀，一声欢笑忽惊鸥。

【正宫·塞鸿秋】秋游云竹湖

田改建

士林环绕平湖靛，青峰倒映蓝天旷。

鹰翔鱼跃鳞波漾，艇飞噪亮开怀唱。

渔竿架柳荫，野岸扎营帐。盘桓竟把回家忘。



诗部

游云竹湖

李炳锁

云湖青竹秀，迎客度休闲。

烟柳牵情语，堤花绽笑颜。

春光风韵动，物候日华环。

胜景陪君细，金莺唤翠山。

游云竹湖

郭保旺

太行山上夏威夷，三晋明珠云竹奇。

幽鸟千姿争艳丽，繁花百态抖芳蕤。

湖如明镜连沟壑，河似银波奔玉池。

是日神怡观美景，超然自得忘归期。

云竹湖即景

张贵荣

暮鼓流光恋碧波，行舟侧畔几争舸。

鸢翔云竹留残影，谁解春愁唱晚歌。

过云竹湖

王文政

湖光山色景深深，一镜清明澈客心。

回互栈桥围玉带，春风拂面抚诗琴。

咏云竹湖

祁中明

诗情画意一名湖，竹绿山青柳荫蒲。

水上轻舟推碧浪，岸边芳草卧金凫。

近观鱼跃迎春色，远眺鸢飞起彩图。

欲把云林如靓妹，何须妆饰胜明珠。

游榆社云竹湖（新韵）

郭玉恩

白鸛飞来戏水娇，波翻碧液泛金涛。

青山土塔明八景，绿地丛林映九霄。

老者湖边说钓事，儿童草里闹摔跤。

轻风掠影春光秀，日照帆船浪上遥。

月夜云竹湖

李润生

日暮群山隐，银轮朗夜空。

轻舟行水上，天镜落湖中。

水下白云湿，岩边秋叶红。

良宵须尽兴，恋恋晚回宫。



头条 @晋韵诗社原创诗词

曲部

【中吕·十二月带过尧民歌】云湖寻春

陈并芳

一缕缕微风送爽，一群群游客欢狂。

一阵阵黄鹂脆噪，一湾湾碧水苍茫。

一只只轻舟远航，一行行白鹭高翔。

〔带〕

红鳞逐浪炫粼装，玉树含苞吐芬芳。

柳旁情侣诉衷肠，岸上渔翁钓时光。

端量，西湖嵌太行？惹我诗情酿。

【中吕·十二月带尧民歌】春游云竹湖

冀建新

云湖盛景，四面游朋。

天光倒影，碧玉凝情。白鹄戏屏，画舫鸣筝。

（过）乘舟踏浪叹苍溟，击水开怀放歌声。

长堤杨柳舞娉婷，岸上闲人钓精灵。

留停，夕阳已下倾，一面丹霞镜！

【正宫·塞鸿秋】云簇湖

王芬

千年古寺紧相傍，新通高铁隔三丈。

渔翁闲钓时辰忘，游人觅趣随心逛。

一湖明镜悬，十里清波漾。小酌醉在农家炕。

【越调·小桃红】游云湖

张新宇

祥云映水似含羞，岸柳微波皱。

灼灼桃花竞相秀，美难收，湖心亭榭琴音奏。

佳人泛舟，诗情对酒，宛在画中游。



主任：王晓丽

副主任：张春义 张建民

宇文峥明 赵巧叶 张德志

主编：赵巧叶

执行主编：张和平

本次编辑：李晓虹